

幼科證治準繩集之七

金壇王肯堂字泰甫輯

脾

錢脾上困

實則困睡身熱飲水

虛則吐瀉生風

脾病困睡泄瀉不思飲食

脾胃虛寒則面眇白

目無精光口鼻氣冷肌體瘦弱吐水腹痛不思乳食

用益黃散下

利用調中丸

傷風手足冷者脾臟怯

也先用益黃散補脾後用大青膏發散

脾病見四

季皆放餘四臟治之順者易治逆者難治

脾法當

面赤目黃五臟相返隨證治之 潔脾主濕自病則

泄瀉多睡體重 倦脾苦濕急食苦以燥之 實則

泄瀉赤黃睡不露睛瀉黃散主之 虛則泄瀉色白

睡露睛白朮散主之 肝乘脾賊邪風瀉而嘔茯苓

半夏湯主之 心乘脾虛邪壯熱體重而瀉羌活黃

芩蒼朮甘草湯主之 肺乘脾實邪能食不大便而

嘔吐嗽煎檳榔大黃湯下葶藶丸 腎乘脾微邪惡

寒泄瀉理中丸之類主之 劉凡脾之得病必察肝

心兩臟之虛實根其源之所起然後治療蓋肝是脾

之鬼心是脾之母肝氣盛則鬼勝心氣虧則脾家生

氣不足盛者抑之則退虧者益之不乏所以有抑脾
氣益心氣兩藥診其脉肝心兩臟俱和則是脾自生
疾察其虛實而治之 薛前證實者病氣實而形氣

虛也若面色眊白吐瀉腹痛口鼻氣冷屬寒水侮土
宜用益黃散若面青唇黯吐瀉手足並冷此脾土虛
寒用乾薑理中湯若面色度黃手足不冷此脾土症
弱用人參理中湯若傷風手足並冷吐痰咳嗽吐瀉
腹脹此脾肺氣虛用五味異功散實脾氣加防風升
麻散外邪若發於寅卯之時用六君柴胡升麻補脾
土平肝木然面黃者脾之本色也面赤者火生土爲

順面青者木尅土爲逆當平其所勝以補元氣爲善

海脾苦濕急食苦以燥之白朮 脾欲緩急食甘

以緩之甘草 以甘補之人參 以苦瀉之黃連

脾虛以甘草大棗之類補之如無他證以錢氏益黃

散補之虛則補其母心乃脾之母以炒鹽補心

益黃散氏 又名補脾散 治脾胃虛寒

陳橘皮 一兩 青橘皮 訶子肉

甘草 各半兩 剉炒 丁香 一分

右爲細末每服二錢水一盞煎至六分食前溫服

東垣云間孝忠編集錢氏方以益黃散補土又言

風旺必克脾土當先實其脾昧者不審脾中寒熱
一例用補脾藥又不審藥中有丁香青皮辛熱大
瀉肺金脾虛之證豈可反瀉其子爲寒水反來侮
土中寒嘔吐腹痛瀉痢青白口鼻中氣冷益黃散
神治之藥也如因服熱藥巴豆之類過劑損其脾
胃或因暑天傷熱積熱損其脾胃而成吐瀉口鼻
中氣熱而成慢驚者不可服之今立一方治胃中
風熱名人參安胃散 薛氏云脾土虛寒寒水侮
之如東垣所云諸證宜用此方若因脾土虛弱吐
瀉者用六君子湯加柴胡如不應或手足俱冷屬

虛寒也更加木香炮薑若因乳母脾虛肝侮必治
以前藥若乳母鬱怒致兒患前證母服加味歸脾
湯

人參安胃散 治脾胃虛熱

黃耆 貳錢

人參

陳皮 去白各壹錢

生甘草

炙甘草 各半錢

白芍藥 柒分

白茯苓 肆分

黃連 少許

右為麤末每服二三錢水煎五沸去查溫服

四君子湯

六君子湯 二方見吐瀉

海脾實以枳實瀉之如無他證以錢氏瀉黃散瀉之

實則瀉其子肺乃脾之子以桑白皮瀉肺

瀉黃散

錢氏

又名瀉脾散

藿香葉

柴錢

山梔子仁

壹兩

石膏

半兩

甘草

參兩

防風

肆兩去蘆切焙

右剉同蜜酒微炒香為細末每服一錢至二錢水一盞煎至五分溫服清汁無時

薛前證若作渴飲冷卧不露睛手足熱甚或遍身發黃屬胃經實熱宜用瀉黃散若作渴飲湯卧而露睛手足並冷屬胃經虛熱宜用異功散若面青搐搦乳食少思肝乘脾也用秘旨補脾湯若面赤

驚悸身熱昏睡心乘脾也用祕旨安神丸若面白
喘嗽肢體倦怠肺乘脾也用補中益氣湯若唇黑
泄瀉手足指冷腎乘脾也用益黃散病後津液不
足口乾作渴宜用七疋白朮散若孔母膏梁厚味
七情鬱火所致當審其因而治其母

不乳食

薛經曰胃爲水穀之海六腑之大源也人身氣血腑臟俱由胃氣而生故東垣之法一以脾胃爲主所謂補腎不若補脾正此意也在小兒雖得乳食水穀之氣未全尤仗胃氣胃氣一虛則四臟俱失所養矣故丹溪謂小兒多肝脾之疾也若面色眊白目無睛光口中氣冷不食吐水肌瘦腹痛此胃氣虛寒之證用五味異功散或六君子湯主之若大便不實兼脾虛也加乾薑溫之中滿不利脾不運也加木香開之喜

冷便秘胃實熱也用瀉黃散涼之命門火衰不能生
土者用八味丸補之稟賦胃氣不足亦用此丸蓋下
真陽充盛則上生脾元自能溫蒸水穀矣

半胃散 治脾胃不和不思飲食心腹脹痛口苦短
氣惡心噁氣吞酸面黃體瘦嗜臥體痛霍亂吐瀉
等證

厚朴 薑汁伍兩

陳皮

甘草 炙各一兩

蒼朮 米泔浸焙八兩

右為末每服二錢薑棗水煎沸湯點服亦得常服
調氣煖胃化宿食消痰飲辟四時不正之氣

愚按前證若乳食停滯噯腐吞酸嘔穢惡心者宜服是方若飲食既消脾胃虛弱嘔吐惡心者則宜四君子湯

調中丸 治脾胃虛寒

白朮

人參

甘草

炒各伍分

八味地黃丸卽六味地黃丸加肉桂附子各壹兩治稟賦命門火衰不能生十以致脾土虛

飲食

少思及食而不化腹臍疼痛夜多漩溺等證內經謂益火之源以消陰翳正此藥也

錢氏益黃散

一名裨脾散

治脾胃虛冷吐瀉

方見前

愚按前方若脾土虛寒或寒水侮土而嘔吐泄瀉手足並冷或痰涎上湧睡而露睛不思乳食者宜用此方若脾土虛弱吐瀉者用六君柴胡如不應或手足俱冷者屬虛寒加木香炮薑若因乳母脾虛肝侮亦治以前藥若乳母鬱怒致兒患前症者其母兼服八味歸脾湯

參苓白朮蓮肉主脾胃虛弱飲食不進多困少氣中滿痞噫嘔吐逆此藥不寒不熱性味和平常服調脾悅色順正去邪

人參

去蘆

白茯苓

去皮

粉草

白朮

白扁豆炒去殼

山藥去黑皮

縮砂仁

薏苡仁

桔梗剉炒九味各一兩

蓮子肉去心

右剉焙為末每服半錢至一錢用棗湯空心調服或溫米湯亦可

健脾飲 建脾養胃理嘔吐治瀉痢及諸病後氣色虛弱有痰惡心腹中微痛飲食減精神慢並宜服之

厚朴

去麤皮剉碎薑汁浸一宿慢火炒乾再入醇醋焙透仍以慢火炒

人參

去蘆各一兩

白茯苓

去皮

肉豆蔻

半夏

湯煮透濾仍剉焙乾

益智仁

淨香附

良薑

剉片東壁土炒

訶子肉

各二系半

甘草

炙五系

右剉每服二錢水一盞薑二片棗一枚煎七分無

時服

藿香飲

理虛化痰及治脾胃不和飲食少進正氣

除邪

人參

去蘆

半夏

湯煮透濾剉片焙乾

赤茯苓

去皮

甘草

炙各一兩

蒼朮

去麁皮米泔水浸一宿濾乾剉片用火炒至微黃色

二兩

陳皮

去白

藿香

去梗各半系半

厚朴

去麁皮製一兩半

右件咬咀每服二錢水一盞薑二片棗一枚煎七分空心溫服或入燒鹽同煎

治小兒脾胃虛弱飲食少進

用人參白朮茯苓甘草等分爲末每服一錢鹽湯點服一方加陳皮硝砂

治胃虛氣逆吮乳不食

用人參壹錢丁香藿香葉各半錢水半盞煎熟入乳汁少許煎服

治胃弱吐逆手足心熱不達乳食

用陳紅麴叁錢半白朮壹錢半麩炒甘草炙壹錢

爲末每服半錢棗湯米飲下

治脾胃不和嘔逆惡心乳食不進

用厚朴薑製壹錢白朮半錢乾薑炮甘草炙各叁
分水一盞薑二片煎空心熱服

治宿食傷脾消食快膈

用硝砂仁枳皮三稜莪朮神麴麥蘖各半兩香附
子壹兩各炒爲末麪糊丸如麻子大食後白湯下
隨大小加減丸數

茅先生勻氣散

桔梗 伍兩

甘草 兩 炙二

白薑 伍分